

Na osnovu člana 13. Zakona o reviziji privatizacije državnog kapitala u privrednim društvima i bankama („Službene novine Federacije BiH“, br. 55/12), direktor Agencije za reviziju privatizacije putem Vlade Federacije Bosne i Hercegovine, Parlamentarnoj komisiji Federacije Bosne i Hercegovine i Parlamentu Federacije Bosne i Hercegovine dostavlja,

INFORMACIJU O IZVRŠENIM REVIZIJAMA PRIVATIZACIJE DRŽAVNOG KAPITALA PRIVREDNIH DRUŠTAVA I BANAKA U FEDERACIJI BOSNE I HERCEGOVINE ZA PERIOD JANUAR– JUNI 2020. GODINE

UVOD

Agencija za reviziju privatizacije u Federaciji Bosne i Hercegovine (u daljem tekstu: Agencija) djeluje kao samostalna institucija u Federaciji Bosne i Hercegovine, čija je djelatnost propisana odredbama člana 7. Zakona o reviziji privatizacije državnog kapitala u privrednim društvima i bankama („Službene novine Federacije BiH“, broj 55/12) u daljem tekstu (Zakon).

Na osnovu člana 13. Zakona, Agencija je dužna svakih šest mjeseci putem Vlade Federacije Bosne i Hercegovine informirati Parlamentarno povjerenstvo Federacije Bosne i Hercegovine, Parlament Federacije Bosne i Hercegovine o izvršenim revizijama privatizacije državnog kapitala privrednih društava i banaka u Federaciji Bosne i Hercegovine.

Agencija ima svojstvo pravnog lica.

Sjedište Agencije je u Sarajevu, Ulica Ustanička 11, Ilidža.

Organizacija, upravljanje i rukovođenje Agencijom uređuje se Uredbom i drugim općim aktima Agencije, u skladu sa Zakonom.

Ostvarenje planiranih zadataka izvršit će se u skladu sa Zakonom, a oni se odnose na zaštitu prava građana utvrđenih Ustavom Federacije Bosne i Hercegovine državne svojine u procesu privatizacije u Federaciji Bosne i Hercegovine i javnog interesa zaštićenih vrednota, ukupnog pravnog poretka, javnog morala te postizanja ciljeva propisanih odredbama člana 4. Zakona o reviziji privatizacije na način da se utvrdi je li u postupku privatizacije došlo do povrede odredbi Zakona o privatizaciji.

STRATEŠKI CILJEVI

Agencija je u okviru svojih zakonskih ovlasti i obaveza djelotvornog i brzog izvršavanja povjerenih joj zadataka, utvrdila tri ključna strateška cilja koja će joj pomoći u realizaciji ostvarenja njezinih ciljeva:

Strateški ciljevi		
Uposliti revizorsko i administrativno osoblje koje ispunjava uslove za obavljanje poslova iz njene nadležnosti, u skladu sa posebnim uslovima utvrđenim Pravilnikom o unutrašnjoj organizaciji radnih mjesta Agencije.	Izvršiti profesionalno i odgovorno proces revizije privatizacije privrednih društava i banaka za navedenu godinu spram finansijskih sredstava i raspoloživosti ljudskih resursa, a u skladu sa Zakonom o reviziji privatizacije državnog kapitala u privrednim društvima i bankama.	U toku revizije privatizacije, a u skladu sa zakonskim obavezama, izvještavati Vladu FBiH, Parlament Federacije BiH i cjelokupnu javnost o procesima revizije u vidu izvještaja (polugodišnjih, godišnjih i završnog izvještaja).

PLAN RADA ZA 2020 GODINU

Odlukom Vlade Federacije Bosne i Hercegovine V.broj: 180/2020 od 06.02.2020. godine, usvojen je Plan rada za 2020. godinu, kojim je planirano 12 (dvanaest) privrednih društava i 2 (dvije) banke, koje treba revidirati.

RAD NA REVIZIJI PRIVATIZACIJE

Odgovornost revizora je sačiniti Izvještaj o obavljenoj reviziji pretvorbe i privatizacije privrednog društva i banke na osnovu utvrđenog činjeničnog stanja. Postupci revizije započinju donošenjem Rješenja o otpočinjanju revizije, te slanje svim relevantnim stranama dopisa za prikupljanjem dokumentacije potrebne za proces revizije.

Djelujući u tom smjeru, sprovode se aktivnosti koje prevashodno za cilj imaju prikupljanje dokumentacije neophodne za sastavljanje izvještaja o provedenoj reviziji privatizacije i analiziranje istih.

Najveći dio podataka i dokumenata prikuplja se od Federalne Agencije za privatizaciju i kantonalnih agencija za privatizaciju, Agencije za bankarstvo, kod privrednih društava i banaka kod kojih će se obaviti revizija, te od ostalih relevantnih institucija i organa koji su učestvovali u procesima privatizacije.

Revizija privatizacije u Federaciji BiH vrši se u skladu sa Zakonom o reviziji privatizacije državnog kapitala u privrednim društvima i bankama ("Službene novine Federacije BiH", broj 55/12), i Zakonom o reviziji institucija u Federaciji Bosne i Hercegovine ("Službene novine Federacije BiH", broj 22/06). Postupak revizije provodi se u skladu sa revizorskim standardima Međunarodne organizacije vrhovnih revizijskih institucija – INTOSAI ("Službene novine Federacije BiH", br. 30/11 i 62/14) i Etičkim kodeksom profesionalne etike revizora.

Bitno je naglasiti da je rad na revizijama privatizacije od pojave virusa COVID 19 bio otežan, što zbog prikupljanja dokumentacije, što zbog samih djelatnika u Agenciji. U tekstu koji slijedi, prikazan je pregled pokrenutih revizija u prvoj polovini 2020. godine:

1. „Saniteks“ d.d. Velika Kladaša

Rješenjem broj 01-02-1-302/18 od 01.10.2018. godine pokrenut je postupak revizije privatizacije „Saniteks“ d.d. Velika Kladaša.

Revizija prethodno izvršene vlasničke transformacije je izvršena u skladu s Uredbom o reviziji prethodno izvršene vlasničke transformacije ("Sl. Novine Federacije BiH", br. 1/98, 16/99).

Shodno odredbama člana 16. Zakona o reviziji privatizacije državnog kapitala u privrednim društvima i bankama u FBiH („Sl. Novine FBiH“, br. 55/12), sačinjen je i dostavljen nacrt izvještaja o obavljenoj reviziji pretvorbe i privatizacije privrednog društva „Saniteks“ d.d. Velika Kladaša, broj: 02-19-1-305-38/18 dana 23.01.2020. godine.

U skladu sa odredbom člana 16. stav 2. Zakona o reviziji privatizacije državnog kapitala u privrednim društvima i bankama u FBiH (Sl. novine FBiH br. 55/12) komentar uprave privrednog društva na nacrt izvještaja o reviziji „Saniteks“ d.d. Velika Kladaša, dostavlja se Agenciji za reviziju u roku od 15 dana po prijemu nacrta izvještaja, ili u dužem roku o kojem odlučuje Agencija za reviziju. Agencija nije dobila komentar uprave privrednog društva „Saniteks“ d.d. Sarajevo, te je sačinjen konačan izvještaj broj 02-19-1-305-40/18 dana 19.02.2020. godine i dostavljen privrednom društvu „Saniteks“ d.d. Velika Kladaša.

Takođe izvještaj je dostavljen Agenciji za privatizaciju FBiH, Kantonalnoj agenciji za privatizaciju Unskosanskog kantona, Tužilaštvu Unskosanskog kantona i Ministarstvu privrede USK. Na Rješenje br. 01-02-1-302-3/18 od 19.02.2020. godine o reviziji privatizacije „Saniteks“ d.d. Velika Kladaša dostavljena je žalba broj: 02-15-197-3/20 od 16.03.2020. godine, uložena od strane Agencije za privatizaciju u FBiH. Žalba od strane Agencije za privatizaciju u FBiH nije dostavljena u predviđenom roku od 15 dana od dana prijema Rješenja, te je Agencija za reviziju privatizacije u Federaciji BiH donijela Rješenje br. 01-02-1-11/20 dana 23.03.2020 kojim se odbacuje Žalba Agencije za privatizaciju u FBiH zbog neblagovremenosti.

2. „Teppsa Holding“ d.o.o. Sarajevo

Rješenjem broj 01-02-1-352/19 od 07.11.2019. godine pokrenut je postupak revizije privatizacije „Teppsa Holding“ d.o.o. Sarajevo.

Revizija prethodno izvršene vlasničke transformacije je izvršena u skladu s Uredbom o reviziji prethodno izvršene vlasničke transformacije ("Sl. Novine Federacije BiH", br. 1/98, 16/99).

Shodno odredbama člana 16. Zakona o reviziji privatizacije državnog kapitala u privrednim društvima i bankama u FBiH („Sl. Novine FBiH“, br. 55/12), sačinjen je i dostavljen izvještaj o obavljenoj reviziji pretvorbe i privatizacije privrednog društva „Teppsa Holding“ d.o.o. Sarajevo, broj: 02-19-1-356-19/19 dana 13.04.2020. godine.

U skladu sa odredbom člana 16. stav 2. Zakona o reviziji privatizacije državnog kapitala u privrednim društvima i bankama u FBiH (Sl. novine FBiH br. 55/12) komentar puke privrednog društva an izvještaja o reviziji „Teppsa Holding“ d.o.o. Sarajevo, dostavlja se Agenciji za reviziju u roku od 15 dana po prijemu izvještaja, ili u dužem roku o kojemu odlučuje Agencija za reviziju. Agencija nije dobila komentar puke privrednog društva „Teppsa Holding“ d.o.o. Sarajevo, te je sačinjen konačan izvještaj broj 02-19-1-356-20/19 dana 27.04.2020. godine i dostavljen privrednom društvu „Teppsa Holding“ d.o.o. Sarajevo. Također izvještaj je dostavljen Agenciji za privatizaciju FBiH, Kantonalnoj agenciji za privatizaciju Sarajevo, Kantonalnom tužilaštvu Sarajevo, Kantonalnom pravobranilaštvu Sarajevo, Ministarstvu privrede KS, te Federalnom ministarstvu finansija. Na Rješenje br. 01-02-1-352-3/19 od 27.04.2020. godine o reviziji privatizacije „Teppsa Holding“ d.d. Ilidža u predviđenom roku dostavljena je žalba broj: 01-02-1-352-8/19 od 22.05.2020. godine, uložena od strane Agencije za privatizaciju u FBiH. Slijedom izloženog, Agencija za reviziju privatizacije u FBiH je Dopisom br. 01-02-1-352-9/19 od 28.05.2020. godine, uloženu žalbu sa pratećom dokumentacijom, prosljedila drugostepenoj komisiji Vlade FBiH na odlučivanje.

3. „Centrotrans tranzit“ d.d. Sarajevo

Rješenjem Agencije za reviziju privatizacije u FBiH br. 01-02-1-97-1/20 od 11.02.2020. godine pokrenut je postupak revizije privatizacije privrednog društva „Centrotrans tranzit“ d.d. Sarajevo, Kurta Schorka br.8 71000 Sarajevo. Odlukom o imenovanju revizora imenovani su Adaleta Kurtović dipl.ecc. kao ovlašteni revizor i Nijaz Ibrić dipl.prav.kao ovlašteni revizor.

Odmah po otvaranju revizije pristupilo se prikupljanju dokumentacije. Poslati su zahtjevi za dostavu dokumentacije prema Agenciji za privatizaciju Kantona Sarajevo, Privrednom društvu „Centrotrans tranzit“ d.d. Sarajevo, Općinskom sudu Sarajevo, Registru vrijednosnih papira FBiH, Finansijskoj informatičkoj agenciji (FIA).

Predmet je bio složen, ali želimo naglasiti da je saradnja za dostavu dokumentacije bila izuzetno korektna i uspješna. Također su ovlašteni revizori u toku prikupljanja dokumentacije odlazili u nekoliko navrata do Agencije za privatizaciju KS da izvrše uvid u određenu dokumentaciju.

Postupak revizije proveden je u periodu od 11.02.2020. godine do 04.06.2020. godine.

Revizija je obuhvatila period počev od 1991. godine, kada je „Centotrans tranzit“ d.d. Sarajevo izvršilo vlasničku transformaciju, period privatizacije „Centotrans tranzit“ d.d. Sarajevo, te period nakon privatizacije do dana završetka revizije.

Revizijom su obuhvaćeni dokumenti, odluke, poslovne knjige, ugovori i akti na temelju kojih je obavljena pretvorba i privatizacija, radi provjere da li je pretvorba i privatizacija provedena u skladu s odredbama Zakona o pretvorbi društvenih preduzeća, Zakona o privatizaciji i drugim posebnim propisima.

Nakon provedenog postupka revizije pretvorbe i privatizacije „Centotrans tranzit“ d.d. Sarajevo sačinjen je Nacrt izvještaja o izvršenoj reviziji pretvorbe i privatizacije „Centotrans tranzit“ d.d. Sarajevo br. 02-15-1-99-17/20 od 04.06.2020. godine. Postupajući u skladu sa odredbama člana 16. Zakona o reviziji privatizacije u FBiH, Agencija za reviziju privatizacije u FBiH je 04.06.2020. godine Upravi društva „Centotrans tranzit“ d.d. Sarajevo dostavila Nacrt izvještaja o izvršenoj reviziji pretvorbe i privatizacije „Centotrans tranzit“ d.d. Sarajevo, na komentar/očitovanje koje je navedeno pravno lice bilo dužno dostaviti u roku od 15 dana od dana prijema Nacrta izvještaja. Uprava privrednog društva „Centotrans tranzit“ d.d. Sarajevo je dana 23.06.2020. godine, u zakonskom roku Agenciji dostavila svoj komentar na dostavljeni Nacrt izvještaja.

Nakon dostavljenog komentara na nacrt izvještaja od strane društva dana 25.06.2020. godine doneseno je rješenje i konačan izvještaj je poslat privrednom društvu „Centotrans tranzit“ d.d. Sarajevo i ostalim institucijama koje su po Zakonu obavezne da im se dostavi Izvještaj.

4. „Hotel Tuzla“ d.d. Tuzla

Rješenjem Agencije za reviziju privatizacije u FBiH br. 01-02-1-220-1/20 od 26.05.2020 godine pokrenut je postupak revizije privatizacije privrednog društva „Hotel Tuzla“ d.d. Tuzla, ul. Zavnobih-a br.13 75 000 Tuzla.

Imenovani su Adaleta Kurtović dipl.ecc. kao ovlaštteni revizor i Nijaz Ibrica dipl.prav. kao ovlaštteni revizor.

Odmah po otvaranju revizije pristupilo se prikupljanju dokumentacije. Poslati su zahtjevi za dostavu dokumentacije prema Agenciji za privatizaciju Tuzlanskog Kantona, Privrednom društvu „Hotel Tuzla“ d.d. Sarajevo, Općinskom sudu Tuzla, Registru vrijednosnih papira FBiH, Finansijskoj informatičkoj agenciji (FIA).

Predmet je izuzetno složen, saradnja za dostavu dokumentacije je izuzetno korektna. Takođe u toku prikupljanja dokumentacije revizori su posjetili Agenciju za privatizaciju Tuzlanskog Kantona kao i revidirano privredno društvo „Hotel Tuzla“ d.d. Tuzla i izvršili uvid u određenu dokumentaciju.

Revizijom su obuhvaćeni dokumenti, odluke, poslovne knjige, ugovori i akti na temelju kojih je obavljena pretvorba i privatizacija, radi provjere da li je pretvorba i privatizacija provedena u skladu s odredbama Zakona o pretvorbi društvenih preduzeća, Zakona o privatizaciji i drugim posebnim propisima. Ono što usporava rad kod ove revizije privatizacije jeste činjenica da je zbog postupka koji se vodi na Općinskom sudu u Tuzli, Tužilaštvo Tuzlanskog kantona izuzelo veći dio dokumentacije. U toku je izrada nacrtu izvještaja.

5. „Unis Coming“ d.o.o Bugojno

Rješenjem o pokretanju postupka revizije pretvorbe i privatizacije broj 01-02-1-412/19 od 26.12.2019.godine je pokrenut postupak revizije privatizacije privrednog društva „Unis Coming“ d.o.o Bugojno.

Za vođenje postupka revizije i sačinjavanje Izvještaja o izvršenoj reviziji pretvorbe i privatizacije, Odlukom br. 01-02-1-412-2/19 od 06.01.2020. godine, kao ovlašteni revizori, imenovane su Advija Alihodžić revizor ekonomske struke i Mineta Hrvat revizor pravne struke.

Prikupljena je dokumentaciona osnova za izradu izvještaja, te je ista zbog obimnosti i složenosti predmeta revizije zahtjevala duži vremenski period za obradu i izradu izvještaja.

Sačinjen je Nacrt izvještaja koji je obuhvatio reviziju postupka privatizacije i poslovanje Društva poslije privatizacije i postupka dokapitalizacije.

Revizija prethodno izvršene vlasničke transformacije nije izvršena, jer je kapital društva bio 100% državni u trenutku privatizacije.

Vršena je revizija procedura, dokumenata, poslovnih knjiga i računovodstvenih finansijskih izvještaji koji su korišteni za pripremu Početnog bilansa za privatizaciju Unis Coming“ d.o.o Bugojno u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99).

Dana 27.05.2020.. godine je završen Nacrt izvještaja o obavljenoj reviziji pretvorbe i privatizacije privrednog društva "Unis Coming" d.o.o Bugojno broj: 02-19-1-66-18/19 i dostavljen zakonskom zastupniku 27.05.2020. godine na očitovanje, koje je dostavljeno 16.06.2020. godine, sa zakašnjenjem bez značajnih primjedbi na Nacrt.

Dana 22.06.2020. godine sačinjen je Konačan izvještaj o obavljenoj reviziji pretvorbe i privatizacije privrednog društva "Unis Coming" d.o.o Bugojno broj 02-15-1-66-20/20 i Rješenje broj 01-02-1-412-4/19, na koji je dana 26.06.2020 godine Općinsko javno pravobranilaštvo općine Bugojno dostavilo Žalbu broj R-33/14, koja je dostavljana drugostepenom organu Vladi FBiH aktom broj 01-02-1-412-8/19 dana 13.07.2020. na dalje postupanje.

6. "Koksno – hemijski kombinat" d.d. Lukavac

Rješenjem broj: 01-02-1-102/20 od 17.02.2020.godine pokrenut je postupak revizije privatizacije privrednog društva "Koksno – hemijski kombinat" d.d. Lukavac u skladu sa usvojenim Planom revizija za 2020. godinu.

Odlukom Direktora broj 01-02-1-102-1/20 od 17.02.2020. godine, za vođenje postupka revizije i sačinjavanje izvještaja o izvršenoj reviziji pretvorbe i privatizacije, imenovani su revizori Advija Alihodžić, revizor ekonomske struke i Nijaz Ibrića, revizor pravne struke, a naknadno Odlukom broj 01-02-1-102-2/20 dana 13.04.2020. godine imenovan je još jedan revizor pravne struke Mineta Hrvat. U periodu od donošenja rješenja o pokretanju postupka revizije, revizori su se susretali sa poteškoćama u prikupljanju dokumentacije neophodne za provođenje procesa revizije i izradu Nacrta izvještaja, a razlog više za isto je bilo proglašeno stanje pandemije korona virusa u FBiH.

Obzirom da se uspjela prikupiti potrebna dokumentacija sačinjen je Nacrt izvještaja br. 02-19-1-113-18/20 od 27.07.2020. godine koji je dostavljen Upravi „Koksno-hemijski kombinat“ d.d. Lukavac na očitovanje. Agencija nije dobila komentar upave privrednog društva „Koksno-hemijski kombinat“ d.d. Lukavac, te je sačinjen konačan izvještaj broj 02-19-1-113-19/20 dana 20.08.2020. godine i dostavljen privrednom društvu "Koksno-hemijski kombinat" d.d. Lukavac. Takođe izvještaj je dostavljen Agenciji za privatizaciju FBiH, Kantonalnoj agenciji za privatizaciju Tuzla, Ministarstvu industrije, energetike I rudarstva TK, te Vladi Tuzlanskog kantona.

7. "Polihem" d.d. Tuzla

Rješenjem broj 01-02-1-71/19 od 07.02.2019. godine pokrenut je postupak revizije privatizacije "Polihem" d.d. Tuzla. Odlukom broj 01-02-1-71-1/19 od 07.02.2019. godine za reviziju privatizacije su imenovani ovlašteni revizori pravne struke Selma Hodžić i Nijaz Ibrića, a naknadno je imenovana Advija Alihodžić, revizor ekonomske struke, Odlukom broj 01-02-01-71-2/19 od 07.11.2019. godine.

Revizija prethodno izvršene vlasničke transformacije je izvršena u skladu s Uredbom o reviziji prethodno izvršene vlasničke transformacije ("Sl. Novine Federacije BiH", br. 1/98, 16/99).

Shodno odredbama člana 16. Zakona o reviziji privatizacije državnog kapitala u privrednim društvima i bankama u FBiH („Sl. Novine FBiH“, br. 55/12), sačinjen je i dostavljen nacrt izvještaja o obavljenoj reviziji pretvorbe i privatizacije privrednog društva „Sodaso Holding“ dioničko društvo u mješovitoj svojini - Poliuretanske hemije „Polihem“ Tuzla u stečaju, broj: 02-19-1-73-53/19 dana 27.12.2019. godine.

U skladu sa odredbom člana 16. stav 2. Zakona o reviziji privatizacije državnog kapitala u privrednim društvima i bankama u FBiH (Sl. novine FBiH br. 55/12) komentar uprave privrednog društva na nacrt izvještaja o reviziji „Polihem“ Tuzla u

stečaju, dostavlja se Agenciji za reviziju u roku od 15 dana po prijemu nacrtu izvještaja, ili u dužem roku o kojem odlučuje Agencija za reviziju.

Agencija nije dobila komentar upave privrednog društva "Polihem" Tuzla, te je sačinjen konačan izvještaj broj 02-19-1-73-56/19 dana 03.02.2020. godine i dostavljen privrednom društvu "Polihem" Tuzla, koji je primljen 14.02.2020. godine. Takođe izvještaj je dostavljen Agenciji za privatizaciju FBiH, Ministarstvu energije, rudarstva i industrije FBiH, Federalnom ministarstvu okoliša i turizma koji su primili 04.02.2020. godine. Na isti izvještaj u predviđenom roku nije dostavljena žalba, tako da je izvještaj postao konačan.

8. „OGREVTRANS“ d.d. Sarajevo

Postupak revizije privatizacije privrednog društva „OGREVTRANS“ d.d. Sarajevo pokrenut je Rješenjem o pokretanju postupka revizije privatizacije broj: 01-02-1-59/20 od 07.01.2020. godine, nakon čega su Odlukama o imenovanju revizora imenovana dva ovlaštena revizora (ekonomske struke i revizor pravnik) za reviziju privatizacije navedenog privrednog društva.

Revizori su, u skladu sa odredbama člana 12. Zakona o reviziji privatizacije državnog kapitala u privrednim društvima i bankama (Službene novine Federacije BiH broj: 55/12) učesnicima postupka privatizacije navedenog privrednog društva uputili zahtjeve za dostavljanje podataka, informacija i dokumentacije iz postupka privatizacije. Zahtjev za dostavljanje dokumentacije upućen na adresu revidiranog privrednog društva je vraćen uz oznaku „odselio“, nakon čega su revizori isti zahtjev poslali na adresu kupca privrednog društva, i na taj način obezbjedili dokumentaciju potrebnu za postupak revizije.

Tokom postupka revizije privatizacije, imenovani revizori su, u skladu sa Zaključkom Vlade Federacije Bosne i Hercegovine broj: 164/20 radi poduzimanja mjera u cilju sprječavanja širenja bolesti izazvane corona virusom tokom kojeg rada je predmetna revizija i kompletirana, i sačinjen nacrt izvještaja o reviziji privatizacije koji obuhvata reviziju postupka pretvorbe privatizacije, privatizaciju društva, kao i poslovanje društva poslije izvršene privatizacije.

Nacrt izvještaja je dostavljen na komentar upravi društva, koji su putem punomoćnika tražili dodatni rok za dostavljanje komentara. Komentar uprave privrednog društva „OGREVTRANS“ d.d. Sarajevo na nacrt izvještaja nije dostavljen niti u naknadno odobrenom roku, nakon čega je sačinjen konačan izvještaj o reviziji pretvorbe i privatizacije privrednog društva „OGREVTRANS“ d.d. Sarajevo, te je Agencija za reviziju u skladu sa odredbom člana 17. donijela Rješenje kojim je utvrđeno da je postupak vlasničke transformacije privrednog društva „OGREVTRANS“ d.d. Sarajevo proveden u skladu sa odredbama Zakona o prometu i raspolaganju društvenim kapitalom ("Službeni list SFRJ", br. 84/89 i 46/90), ali da postupak privatizacije privrednog društva „OGREVTRANS“ d.d. Sarajevo nije u potpunosti proveden u skladu sa zakonskim propisima. Na navedeno Rješenje Kantonalna Agencija za privatizaciju Sarajevo i „Ogrevtrans“ d.d. Sarajevo putem punomoćnika su izjavili

žalbe, koje je Agencija za reviziju, u skladu sa odredbama člana 17. Zakona o reviziji privatizacije privrednih društava i banaka, dostavila na rješavanje Vladi Federacije.

9. “KTK Visoko“ d.d. Visoko

Rješenjem Agencije za reviziju privatizacije u FBiH broj: 01-02-1-193/20 od 20.04.2020. godine pokrenut je postupak revizije privatizacije društva “KTK Visoko“ d.d. Visoko, nakon čega su Odlukom direktora imenovani ovlašteni revizori za reviziju privatizacije navedenog privrednog društva.

Nakon upućivanja zahtjeva za dostavljanje dokumentacije učesnicima postupka privatizacije, u skladu sa odredbama člana 12. Zakona o reviziji privatizacije državnog kapitala u privrednim društvima i bankama (Službene novine Federacije BiH broj: 55/12), revizori su se suočili sa poteškoćama u kompletiranju potrebne dokumentacije za reviziju budući da je revidirano privredno društvo nakon ponovljenih zahtjeva i urgencija dopisom od 15.07.2020. godine obavijestilo ovu Agenciju da ne posjeduju dokumentaciju u vezi sa postupkom privatizacije te da se sva dokumentacija nalazi u Agenciji za privatizaciju u Federaciji BiH. Dodatno, revizori su tokom rada došli do saznanja da je i Kantonalna agencija za privatizaciju ZDK vršila postupke prodaje imovine navedenog društva u maloj privatizaciji, od koje su potom pribavili dodatnu dokumentaciju.

Agencija za privatizaciju u FBiH je dio tražene dokumentacije dostavila u cd formatu. Revizori su nakon analize dostavljenog sadržaja izdvojili relevantnu dokumentaciju radi kompletiranja nacrtu izvještaja o reviziji privatizacije navedenog privrednog društva. U toku rada revizori su Agenciji, Federalnom pravobranilaštvu, Federalnom ministarstvu energije, rudarstva i industrije poslali zahtjeve za dostavljanje dodatne dokumentacije, te se očekuje postupanje nadležnih organa po navedenim zahtjevima. Okončanje nacrtu izvještaja očekuje se u što skorijem periodu.

10. „Poštanska Banka BiH“ d.d

Rješenjem Agencije broj: 01-02-1-221/20 od 26.05.2020. godine pokrenut je postupak revizije privatizacije „Poštanska Banka BiH“ d.d. Sarajevo, u skladu sa odredbama Zakona o reviziji privatizacije u FBiH i usvojenom Planu rada Agencije za 2020. godine.

Za vođenje postupka revizije i sačinjavanje izvještaja o izvršenoj reviziji pretvorbe i privatizacije, Odlukom broj: 01-02-1-220-1/20 od 26.05.2020. godine, imenovan je ovlašteni revizor ekonomske struke Advija Alihodžić. Shodno članu 12. Zakona o reviziji privatizacije državnog kapitala u privrednim društvima i bankama, u svrhu kompletiranja dokumentacijeneophodne za provođenje procesa revizije i izradu nacrtu izvještaja ista je tražena od: Federalnog ministarstva finansija, Agencije za bankarstvo FBiH, Registara vrijednosnih papira FBiH, Komisija za vrijednosne papire

FBiH, Finansijsko-informatičke agencija, Općinskog sud Sarajevo, „Poštanska Banka BiH“ d.d. Sarajevo u stečaju, stečajnog upravnika koji je tražio produženje roka od 35 dana koji mu je odobren aktom broj 02-15-1-238-10/20 dana 22.06.2020. godine.

Sve ranije pobrojane institucije kao i subjekt revidiranja su dostavile dokumentaciju. Ista je preobimna, te će se s revizijom i sačinjavanjem Nacrta početi krajem avgusta 2020. godine.

Broj: 01-04-1-305/20 D I R E K T O R

Sarajevo, 03.09.2020. godine Vedad Duraković, dipl.oec.